


阿育王經
同

才四
才五

四百卅四
寫七

51042



二卷共一冊七

寫

阿育王經卷第四 阿育王經卷第五

阿育王經卷第四

梁扶南三藏僧伽婆羅譯



鳩那羅因緣第四

是時阿育王於一山中起八万四千塔於是

日中王夫人名鉢摩婆底

翻有美 蓉花

生一男兒形

色端正眼為第一一切人見無不愛樂時有

內人即白大王王有功德夫人生兒王聞歡

喜而說偈言

我於今日 大生歡喜 我孔雀姓 名聞一切

官人以法 由之增長

一

故名此兒名達磨翻法婆陀那翻長即抱此兒示

阿育王時王見已歡喜說偈

我兒自端嚴 為功德所造 光明甚輝曜

如優波羅花 以此功德眼 莊嚴於一面

其面自端正 譬如秋滿月

乃至阿育王命諸大臣而語之言汝等嘗見

此兒眼不諸臣答言臣於人中實所未見於

雪山有鳥名鳩那羅此鳥之眼與其相似即

說偈言

於雪山頂 有寶花處 鳩那羅鳥 而住其上

此見二眼 類彼鳥眼

王便發言將此鳥來虛空上平由旬夜叉神

聞其語下一由旬神聞其語一念之頃夜叉之神即得鳥來時阿育王以鳥眼比兒眼見此二眼無有異相即以鳥名而以名兒復說偈言

大地人王

以可愛眼

鳩那羅名

以為兒名

是故大地

其名遠聞

乃至鳩那羅長大為其納妃妃名干遮那

金翻

摩羅

翻繆花

時阿育王將鳩那羅往至雞寺寺有

上座六通羅漢名耶舍是時耶舍見鳩那羅未經幾時應當失其眼即白王言何故不令鳩那羅作其自業時阿育王語鳩那羅大德今汝所作汝當隨之時鳩那羅禮耶舍是說

言大德教我所作耶舍答言眼非是常汝當
思惟即說偈言

汝鳩那羅

當思惟眼

無常病苦

衆患所集

凡夫顛倒

由之起過

時鳩那羅於宮中靜處獨坐思惟眼等諸入
為苦無常時阿育王第一夫人名微沙落起
多往鳩那羅處見其獨坐觀其眼故而起欲
心以手抱之而說偈言

以大力愛火

今來燒我心

譬如火燒藤

汝當遂我意

鳩那羅聞其言以手掩耳而說偈言

汝今於我所

不應說此言

汝今為我母

我則為汝子。今此非法愛。應當捨離之。

何故為此事。開諸惡道門。

時微沙落起多不遂意。故心生瞋忿。即說偈

言

愛心往汝處。而汝無愛心。汝心既有惡

不以須臾滅。

鳩那羅答言

我今寧當死。以法而清淨。不彫於生中。

而起不淨心。若有惡心者。失人天善法。

善法既不全。依何而得生。

微沙落起多。恒伺其過。而欲殺之。於北有國

名德叉尸羅。拒逆不從。阿育王領時。王聞之。

意欲自往大臣白王王今當令鳩那羅往不
須自去時阿育王命鳩那羅而語之言汝往
彼國荅王言唯今時阿育王復說偈言

我於今者聞其此言雖為是兒而是我心

以心念故

莊嚴

是時阿育王即便令人嚴治道路老病死等
悉令不現時阿育王與鳩那羅同載一車送
之近路將欲分別手抱兒頸見鳩那羅眼啼
泣而言

若有人見鳩那羅眼心歡喜故有病皆除

是時有一相師婆羅門見鳩那羅不久失眠
見阿育王唯觀兒眼不緣餘事見已說偈不

王子眼清淨

王觀之歡喜

眼光明莊嚴

去何而當失

此國諸人民

見鳩那羅眼

一切皆歡喜

猶如天上樂

若見其失眠

一切當苦惱

乃至鳩那羅次第行至德义尸羅國彼國人

聞出半由旬嚴治諸道處處置水以待來衆

時諸人民即便說偈

德义尸羅人

執寶甕盛水

及諸供養具

迎鳩那羅王

時王至已人民合掌而作是言我等迎王不

為鬪諍亦不與彼大王相嫌但王所遣大臣

在我國者為治無道彫歆廢之是時人民以

諸供具供養鳩那羅王迎至國中時阿育王
身遇重病糞從口出諸不淨汁從毛孔出一
切良醫所不能治時阿育王即語諸臣召鳩
那羅還我當灌頂授以王位我於今者不貪
身命時微沙落起多即便思惟若鳩那羅得
作王者我必當死思惟已白阿育王言我能
令王病得除愈一切醫師不順令進時阿育
王即受其語斷諸醫師時微沙落起多語諸
醫師外間男女病如王者可將其入時阿毗
羅國有一人病如王不異時病人婦為覓醫
師說其病狀醫師答言將此人來我欲見之
當為處藥乃至婦人將此病者送與醫師醫

師復送與王夫人時王夫人將此病者置無
人處令破其腹出生熟二歲於熟歲中有一
大虫虫若上行糞從口出虫若下行便從下
出若左右行諸不淨汁從毛孔出時王夫人
磨摩黎遮以置虫邊而虫不死復以葦芟以
置虫邊虫亦不死復以干薑以置虫邊虫亦
不死乃至以大蒜置於虫邊虫即便死時王
夫人以如此事具以白王王於今者應當食
蒜病即除愈王荅言我是刹刹不得食蒜夫
人復言為身命故作藥意食之乃至阿育王
遂便食之虫死病除便利如本時阿育王清
淨洗浴語夫人言汝於今者當何所求隨意

與之夫人白王願王七日聽我為王王語夫
人若汝為王必當殺我夫人又言過七日已
我當還王時阿育王遂便許之夫人思惟我
欲治鳩那羅今正是時是時夫人即便假作
阿育王書與德义尸羅人令取鳩那羅眼書
申說偈

我今有大力 威名甚可畏
鳩那羅王子 於彼為罪過
今勅彼人民 挑取其二眼
今為此一事 汝等速為之

時王夫人作書已竟須齒牙印之阿育王眠
夫人歆印書故便近王邊王即驚覺夫人白
王何故警怖王荅夫人我夢不祥見有鷲鳥

欲取鳩那羅眼是故驚懼夫人荅言王不須
憂鳩那羅子今甚安隱第二更夢王復驚起
語夫人言我今更夢如本不祥夫人問言夢
復云何王荅言我見鳩那羅頭鬚髮爪悉皆
長利而不能言夫人荅言其今安隱願勿憂
之乃至後時阿育王眠夫人即便以大王齒
竊取印之遣使送之與德义尸羅人時阿育
王又夢自齒悉皆墮落至明清旦澡洗已畢
為身命故召相師來以夢所見具向其說語
言汝當為我解釋夢意相師荅言若人有此
夢者兒當失眠不異失兒而說偈言
若人夢齒落 必當失兒眼
兒眼既已失

不異失於兒

時阿育王聞其此言即便起立合掌向四方神而呪願言

今一心歸佛清淨法及僧世間諸仙人

於世為最勝一切諸聖眾皆護鳩那羅

使者執書至德义尸羅國是時彼國人民見

此書至念鳩那羅故共隱此書而不與之不

欲令其起於惡心彼諸人民復更思惟阿育

大王其甚可畏心不敬信於其自兒尚欲取

眼况於我等而不起惡復說偈言

今此鳩那羅如大仙不異於一切眾

皆能作饒益彼阿育大王而不起慈念

况於餘衆生而能不殘害

乃至彼人以書與鳩那羅鳩那羅得書已語

諸人言若能取我眼者今隨汝意時諸人即

喚旃陀羅汝當挑取鳩那羅眼旃陀羅合掌

說言我今不能何以故

若人於滿月能除其光明是人當能除

汝面明月眼

是時鳩那羅即脫寶冠語旃陀羅言汝挑我

眼我當與汝復有一人形見可憎十八種醜

語鳩那羅言我能挑眼時鳩那羅尋憶大德

耶舍所說便說偈言

合會有離 是真實說 思惟此義 知眼無常

我善知識

能饒益者

是人說法

皆苦因緣

我常思念

一切無常

是師之教

深自憶持

我不畏苦

見法不住

當依王教

汝取我眼

我已攝受

無常真實

是時鳩那羅語醜人言汝當取我一眼置我

手中我欲觀之時此醜人欲取其眼無數諸

人相與瞋罵而說偈言

眼清淨無垢

如月在空中

汝今挑此眼

如拔池蓮花

是無數人悲號啼哭是時醜人即出其眼置

鳩那羅手中時鳩那羅以手受之向眼說偈

汝於本時

能見諸色

而於今者

何故不見

本令見者

生於愛心

今觀不實

但為虛誑

譬如水沫

空無有實

汝無有力

無有自在

若人見此

則不受苦

是時鳩那羅思惟一切諸法悉皆無常得須

陀洹果既得果已語醜人言所餘一眼隨汝

取之時彼醜人復更挑之置鳩那羅手中既

失肉眼而得慧眼而說偈言

我於今者

捨此肉眼

慧眼難得

我今已得

王今捨我

我非王子

我今得法

為法王子

今從自在

若宮殿墮

復登自在

法王宮殿

乃至鳩那羅知取其眼是微沙落起多而說

偈言

影王夫人

長受富樂

壽命長存

無有盡滅

由其方便

我得所作

是時鳩那羅婦干遮那摩羅聞鳩摩羅失眼
以念夫故至其夫所入多人處見鳩那羅失
眼流血悶絕躄地傍人以水灑之令得醒寤
啼泣說偈

眼光明可愛

昔見生歡喜

今見其離身

心生大瞋惱

鳩那羅語其婦言汝勿啼泣我自起業自受
此報復說偈言

一切世間

以業受身

衆苦為身

汝應當知

一切和合

無不別離

當知此事

不應啼泣

是時鳩那羅共其婦從德义尸羅國還阿育
王所二人生來未曾履地其身軟弱不堪作
業時鳩那羅善於鼓琴復能歌吹隨其本路
乞食濟命漸漸遊行至於本國欲入宮門時
守門人不聽其前既不得前而復還出任車
馬厩於後夜中鼓琴而歌歌曰我眼已失四
諦已見復說偈言

若人有智慧

見十二入等

以智慧為燈

得解脫生死

三有中之苦

悉為自心苦

三有中之過

今應當知之

若欲求勝樂

當思十二入

時阿育王聞其歌聲心大歡喜而說偈言

今此說偈 及聞鼓琴 似是我子 鳩那羅聲

若是其至 何不見我

時阿育王命一人來我所聞聲似鳩那羅而
聲清妙復兼悲怨聞此聲故令我心亂如鳥
失子而聞子聲其心迴遑不安其所汝可往
看是鳩那羅不若是鳩那羅汝可將來乃至

其人受教至車馬既至已見其無有二眼皮
膚曝露不復可識還白大王王所令看是孤
獨盲人共其婦俱住車馬既非鳩那羅時阿
育王聞其此言懊惱思惟而說偈言

如昔所夢見 鳩那羅失眠 今此盲人者

鳩那羅不疑 汝可更至彼 但將此人來

以思惟子故

其心不安隱

乃至此人受教更至其所語鳩那羅言汝是誰兒何所名姓鳩那羅復以偈答

父名阿輸柯

增長姓孔雀

一切諸大地

悉為其所領

我是彼王子

名為鳩那羅

姓曰法王佛

今為法王子

是時使人將鳩那羅及其婦至宮中時阿育

王見鳩那羅風日曝露以草幣帛雜為衣裳

形容改易不復可識時阿育王生心疑惑而

語之言汝是鳩那羅不答言我是阿育王聞

悶絕墮地傍人見王而說偈言

王見鳩那羅

有面無有眼

以苦惱燒心

從床墮於地

傍人以水灑王令其得醒還至坐處抱鳩那

羅置其膝上復抱其頸啼哭落淚手拂頭面

憶其昔容而說偈言

汝端嚴眼今何所在 失眠因緣

汝今當說

汝今無眼如空無月 形容改易

誰之所作

汝昔容兒猶如仙人 誰無慈悲

壞汝眼目

汝於世間誰為怨讎 我苦惱根

由之而起

汝身妙色誰之所壞 懊惱心火

今燒我身

譬如霹靂摧折樹木 懊惱之雷

以破我心

如此因緣汝今速說

時鳩那羅以偈答言

王不聞佛言

果報不可說

乃至辟支佛

亦所不能免

一切諸凡夫

悉由業所造

善惡之業緣

時至必應受

一切諸衆生

自作自受報

我知此緣故

不說壞眼人

此苦我自作

無有他作者

如此眼目緣

不由於人作

一切衆生苦

皆亦復如是

悉由業所生

王當知此事

時阿育王為懊惱火以燒其心復說偈言

汝但說其人

我不生瞋心

汝若不說者

我心亂不安

時阿育王知是微沙落起多所作喚微沙落

起多而說偈言

汝今為大惡

如何不埒地

今汝不為法

於我為大過

汝今既為惡

從今捨於汝

猶如行善人

捨不如法利

時阿育王瞋火燒心見微沙落起多復說偈言

我於今者

欲出其眼

欲以鐵鋸

以解其身

以斧破身

以刀割舌

以刀截頸

以火燒身

令飲毒藥

以除其命

阿育王說如此事欲治微沙落起多鳩那羅

聞深生慈心復說偈言

微沙落起多

所為諸惡業

大王於今者

不應便殺之一切諸大力

無過於忍辱

世尊之所說

其取為第一

時阿育王不受兒語以微沙落起多置落可
屋以火焚之又復令殺德叉尸羅人是時比
丘生疑問大德優波笈多鳩那羅先造何業
今受此報大德答言長老當聽過去久遠於
波羅捺國有一獵師至雪山中多殺羣鹿又
於一時復往雪山時雷電霹靂有五百鹿以
怖畏故入石窟中時此獵師見諸群鹿即便
捕之一切皆得得已復作是念若皆殺者肉當
臭爛無如之何我當挑其两眼使其不死而
不知去後漸殺之作是念已一切挑眼長老
於意云何先獵師者鳩那羅是以其挑鹿眼
故無數年中常在地獄徙地獄出生於人中

五百世中常被挑眼。今是最後餘殘果報。比丘又問以何因緣生於大姓得端嚴眼。復得羅漢答言。諸長老聽過去久遠人壽四萬歲時。有佛正覺名迦羅鳩村大出現於世。是時如來於一切世間所應作者皆已作訖。入無餘涅槃。時有一王名曰輸頗翻疾嚴。為佛世尊起

寫

阿育王三經同七

十

四寶塔時。王命過弟不信佛。起塔珍寶悉皆密取。唯土木在。一切人民見塔毀壞。懊惱發聲。時有長者子問彼諸人。汝等何事懊惱發聲。諸人答言。世尊之塔本有四寶。不謂於今悉皆毀散。是故我見懊惱發聲。時長者子即以四寶如本莊嚴。復令高廣。有勝於初。又起

金像以置塔中所作已訖復發影言迦羅鳩
村默爲世閒師影我後師亦如今日比丘當
知昔長者子即鳩那羅是以其修治迦羅鳩
村默如來塔故今得生於大姓之中以其造
作如來像故今所得身端嚴第一以其發影
值善師故今得釋迦牟尼爲師及見四諦

阿育王經卷第四

阿育王經卷第五

梁扶南三藏僧伽婆羅譯

半菴摩勒施僧因緣品第五

亦時阿育王得堅固信問諸比丘誰已能於

佛法之中取大布施諸比丘荅言孤獨長者
已大布施王復問言其能幾許佛法中施比
丘荅言用百千萬金阿育王聞即便思惟孤
獨長者用百千萬金我於今者亦以百千萬
金以用布施阿育大王已起八万四千塔又
於佛初生得道轉法輪入涅槃及諸羅漢涅
槃之處各以十万金施四部大會亦已作訖
又三十万衆僧一分阿羅漢二分學人及精
進凡夫於一日中一時施食又阿育王唯留
珍寶一切大地宮人大臣鳩那羅及以自身
悉施衆僧復以四十万金布施衆僧又以無
數之金贖此大地乃至自身身後以九十六千

萬金布施衆僧時阿育王得病困篤生大憂
惱大臣成護是其先世隨喜施沙知識聞大
王病便往王所而禮王足即說偈言

昔面如蓮花 塵垢不能汙 大力諸冤家

不得見大王 猶如日炎盛 人所不能視

何故於今日 悲泣而流淚

阿育王以偈答言：

我今生憂惱 不為身命財 別離聖衆故

是以我憂惱 世尊諸弟子 成就諸功德

以種種飲食 日日當供養 常思如此事

是故我流淚

復次成護我昔欲以百千萬金供養三寶而

是故我流淚

復次成護我昔欲以百千萬金供養三寶而

意未滿我今欲以四十千萬金布施滿我本

心思惟已便欲遣四十千萬金送與雞寺是時

鳩那羅兒名三波地翻具為太子大臣語太子

言阿育大王須臾應終而今欲遣四十千萬

金送與雞寺一切國王以物為力太子應當

勒守物人勿令金出於是太子即便勒之阿

育王勒不復施行唯有金器供王食用王食

訖已便令送此金器與彼雞寺復斷金器聽

以銀器王食竟已復令送此銀器與彼雞寺

復斷銀器乃至以鐵器供王王食已復令送

與雞寺復斷鐵器聽用瓦器時阿育王無復

有物唯半菴羅菓在其手中時阿育王心大

悲惱召諸大臣及以人民一切和合而語之
言誰於今日爲此地主大臣起而作禮合掌
說言唯天爲主更無異人時阿育王淚落如
雨而說偈言

今我阿育王
於我得自在

無復自在力

何用是富貴

唯半阿摩勒
如恒河流水

先所領國土

豪貴最第一

今忽貧窮至

不復得自在

一切諸合會

皆悉當分離

如來正法言

無有能知者

我先所勅令

一切無障得

猶如心意識

於緣得自在

我今所教勅

如水得於石

一切諸怨賊

我悉先降伏

王領一切地

攝一切貧苦

今者無光明

如雲障於月

如阿輸迦樹

花葉悉枯落

是我阿輸迦

貧悴亦如是

是時阿育王即呼傍臣名曰跋陀羅目_翻斲_面

而語之言我失自在汝今於我為最後使唯

此一事汝應當作此半阿摩勒菓送與雞寺

宣我語曰阿育王禮眾僧足昔領一切閻浮

提地今者唯有半阿摩勒菓是我最後所行

布施眾僧受之此物雖小以施眾僧福德廣

大而說偈言

我本為人王

於宮得自在

無常為自相

不久而摩滅

能為療治者

唯有聖福田

今我無醫藥

願太見濟度

此半阿摩勒

是我寂後施 小施而福廣 是故應攝受
時此使人受王勅已將半阿摩勒菓往至雞
寺於上座前以阿摩勒菓供養衆僧合掌說
偈

一切地一繖

王領無障導

猶如日光明

遍照一切處

以自欺誑業

功德於今盡

譬如日入時

無復有光明

以恭敬頂禮

施半阿摩勒

顯其福德盡

今為寂後施

是時上座集諸比丘而語之言汝等今當起

怖畏心如佛所說見他無常是處可畏誰能

於此不生厭離何以故

勇猛能布施

孔雀阿育王

王領於大地

閻浮提自在。今日果報盡。唯有阿摩勒。
大地諸珍寶。悉為他所護。今此阿育王。
捨半阿摩勒。諸有凡夫人。福德力生慢。
當為說無常。令其生厭離。

時諸衆僧得阿育王半阿摩羅菓碎以為末。
以置羹中遍行衆僧時阿育王語成護言誰
今為王成護禮足合掌說言天為地王更無
有人時阿育王以人扶起遍觀四方向衆僧
霧合掌而言今留珍寶此外大地乃至大海
一切施僧又說偈言

水為大地衣。七寶嚴地面。持一切衆生。
灰以諸山等。我今以捨此。布施諸衆僧。

於衆僧得果。是故我今施。以此布施福。
不求帝釋處。亦不樂梵天。及諸大地主。
唯欲以此福。彰求心自在。得共聖人法。
人所不能奪。

乃至阿育王以多羅葉書此偈語以齒印之。
執書合掌向彼僧處而作是言。以此大地一
切施僧說已便終。乃至大臣用五色綵以莊
嚴輿供養王身供養已便以海水欲以灌太
子頂以授王位成護語諸臣言一切大地阿
育大王已施衆僧諸臣答言我等今者當作
云何成護答言先阿育王作意我用百千萬
金施佛法僧已與九十六千萬金欲更滿之。

而諸臣不聽王意不滿故以一切大地布施
衆僧諸臣即便取四十千萬金以贖大地即
以海水灌太子三波地頂令登王位三波地
見名毗梨訶鉢底翻太太白有兒名毗梨沙斯
那翻牛牛軍有兒名弗沙跋摩翻尾尾鎧有兒
弗沙密多羅翻差乃至弗沙密多羅得登王位
集諸大臣以何方便能令我名恒住不矣諸
臣荅言大王之姓從阿育王來是阿育王起
八万四千塔乃至佛法未滅阿育大王名聞
亦在王今應當起八万四千塔時王荅言阿
育大王有大神力人無及者更有方便得流
名不是時有婆羅門吮影第一而是凡夫不

信佛法白王言有二種因名得常住一者作
惡二者作善阿育大王起八万四千塔天今
壞之名則常在乃至弗沙密多羅王嚴駕四
兵欲壞佛法往至雞寺至已於寺門聞有師
子吼王大怖畏復還波吒利弗國如是三返
往至雞寺亦復如是還於本國集彼衆僧而
作是言我於今者欲壞佛法諸衆僧中於塔
及寺各有所護且各說之諸僧皆言我等護
塔王於是時即殺上座次及諸僧時有沙柯
羅國是其所領語彼國人若有能得一比丘
首與其金錢彼國有寺名曰法王時彼寺中
有一羅漢人欲取頭而白王言彼有比丘今

欲取頭送與大王時王慚已自欲取之是時
比丘入滅盡定以定力故刀仗火毒不能侵
害既不得殺復往餘處至拘瑟他歌翻摩國彼
國有一夜叉神守護佛牙是夜叉思惟佛法
當滅我既受戒不復殺生我有女兒已利履
躅夜叉本欲求之以其先常作惡業故而我
不許為護佛法今應與之復有一大力夜叉
常護弗沙密多羅王以其力故人無侵害是
護佛牙神將護王夜叉至於南海是時已利
履夜叉取太山壓弗沙密多羅王及其四兵
一時皆死是故此山名憍淫喜多弗沙密多
羅王既被殺已孔雀大姓從此而滅

阿育王經卷第五

寫

名聞

下音問

真念

上音芳

問二

下音嗔

蒜

音菜也

挑

取

上音扶

也彫反

歌吹

下音去

馬廐

下音舍

也報養

皮膚

下音舍

也報養

皮膚

下音舍

也報養

皮膚

下音

曝露

上音暴

日乾也

懊懷

下音恟

字正作

霹靂

上音普

亦同雷疾擊也

搗地

上音咸

鐵鋸

下音撮

亦同雷疾擊也

覓

反下音亦

同雷疾擊也

搗地

上音咸

鐵鋸

下音撮

亦同雷疾擊也

和履

反下音亦

同雷疾擊也

和履

反下音亦

同雷疾擊也

和履

砢

反力可

輿

余類

鎧

苦改

拘

下音

和履

反下音亦

同雷疾擊也

和履

反下音亦

同雷疾擊也

和履

及士

音

壓

音押

和履

反下音亦

同雷疾擊也

和履

反下音亦

同雷疾擊也

和履

反下音亦

同雷疾擊也

和履

反下音亦

